

## Mattup ki Pool yi riije a ɗoŋ a Pilip

*Ej urzi k'ono* ɗoŋ kun t'oone adda mattup ettiyo

Ette mattup ki Pool yi riije a ɗoŋ i ziipe addaŋ a Isa a geeger ki Pilip. A toguwadí ere ki sirwe gette, Pool y'a gizite Rabila Majjaanawa adda geeger ki Pilip, bini ɗoŋ oŋgoŋ ti diine ɗoŋ geeger gette an d'umbe a tode. (Naabo ɗoŋ zina 16.11-40)

Saŋ maŋ Pool an ti y' ziiɗa dangay a geeger Room kono yi naabiya ki Galmeege. Aame geŋ, kane ɗoŋ geeger Pilip an di tusse sulɗi wo an d'igibe wedusu soo ti diinayaŋ sundí Epapirodit, kono yi-d'ette ti sulɗi ɗoŋ an tusse. Aame yi-d'iide ti sulɗi genno maŋ, Pool y'an di riije mattup kono y'an di roote koɗuwo a naabo ere an i ize gette. Wo y'an di ruute soŋ an sooɗo zakidí a urzi zaapu k'addaŋ a Isa, a Raa'ŋ an i ki kime dar ye. Geŋ ɗoŋ eliyo dooyiso ere ti doolo a ki t'ettiyo ti ere ki Raa ye gette, onamaŋ an'n olliga ye. Y'an di ruute soŋ an aa d'elke a kettiyo ere an aa ti gitte kaŋ soo ti Almasi gettiyo, tode gette munda wede i dehu a koone a diinayaŋ.

*Toose ki Pool*

<sup>1</sup> Mattup ette i raaniya nuŋ Pool kaye ti Timote, ɗoŋ naabo k'Isa Almasi, a kune pay ɗoŋ ki Raa i lekkiyo kettiyo kaŋ soo t'Isa Almasi a geeger Pilip\*, ti ɗoŋ dokkiyagun

---

\* 1:1 1.1 Aame Pool yi kazita ono Raa geŋ, geeger Pilip gette i ti dukke ɗoŋ Romerŋ, tod'te adda siidɗo Maseduwan, k'a ti t'oone adda mattup ki Naabo ɗoŋ zina 16.12-40.

wo ti diyakire. <sup>2</sup> Geŋ beeko ti toose ki Meegiŋ Raa wo ti Galmeega Isa Almasi i koonaa egguŋ.

*Pool yi tondiyo Raa kono* ɗoŋ ki Pilip

<sup>3</sup> Aame tuuku o elkiyo adda k'addó kono kune maŋ, ni rootiyo koɗuwo a Raazó. <sup>4</sup> Daayum adda tondiyadó a Raa kono kune pay gette, ni tondiyo t'uŋsuwo <sup>5</sup> kono kun ayni nuuge a urzi kazita Rabila Majjaanawa, kun iise ti onniyo ere ki poone bini aŋkenŋo geŋ me. <sup>6</sup> Nuŋ ni suune munda soo adda k'addó: Raa wede iise naabo ere beehiye adda k'adduguŋ geŋ, y'a di-t'etta ki ɗaana bini ɗaŋgiyatú ti beehiye a onniyo ere k'aaniya k'Isa Almasi. <sup>7</sup> Wo geŋ ɗerec beehiye iŋkino nuŋ ni d'elkiyo a kune pay. Iŋkino maŋ nuŋ n'unni geyyiso ɗaadaŋ adda k'addó, kono beeko ere Raa y'o ize ette a kine pay kaŋ soo, ise aŋkenŋo nuŋ adda ɗaŋgay, ise an ni wiike a ɗaana ɗoŋ booro toŋ n'a naakiwe Rabila Majjaanawa gette, n'an di kize tod'te ɗerec. <sup>8</sup> A rootiyadó ette ɗerec ki kotto, Raa toŋ yi suune, nuŋ n'unni geyyiso pay aa Isa Almasi y'unni geyyiso ɗaadaŋ.

<sup>9</sup> Wo kun ollo eŋŋo munda wede ni tondiyo Raa adda k'addó me: geyyisaguŋ t'a t'ihira a ceere ki ceeriyo, wo kun di suune munda wede eŋ ulsu eŋ beehiye, <sup>10</sup> kono kun d'aane kun di suune munda wede beehiye. Iŋkino onniyo ere k'Isa Almasi t'iina maŋ, kun t'isa ɗoŋ kamileŋ, ɗuwo an k'amɓa sunduguŋ k'ulsuko ye. <sup>11</sup> Wo kun t'isa ɗoŋ addaŋ ûune ti naabo ere ki diine iido t'urzi k'Isa Almasi, iŋkino a t'ela suma wo tamma a Raa.

*Pool adda ɗaŋgay toŋ ono Raa an k'ihira ye*

<sup>12</sup> Zemɓa ki nuŋ, ni dehu kune kun di suune, a munda wede o iido eŋ a t'ize beehiye, ki kotto a nuuge naabo ere ki Rabila Majjaanawa t'a iŋgile ki ɗaana. <sup>13</sup> Kono iŋkino ɗoŋ pay, ise ɗoŋ pay adda ɓoy mozigo goole, wo ise

Ɗoŋ oŋgo ti paate toŋ, an suune nuŋ an ni ziiɗa ɗangay miŋ kono naabo ere a urzi k'Almasi. <sup>14</sup> T'urzi seeduzó adda ɗangay ette, zemba ɓaadaŋ an d'ele kooke a urzi Galmeega, iŋkino maŋ an d'iiziga wehini a jiiere an di kazita ono Raa daa k'orgiso.

<sup>15</sup> Derec, Ɗoŋ oŋgo an kazita rabila k'Almasi ti kolbiso wo ti elkiso ere an ti n' kime nuŋ k'ita, wo Ɗoŋ oŋgo an kazita t'urzi k'adde Ɗoŋ beehiye. <sup>16</sup> Kane geŋ an kazita t'urzi geyyiso, kono an suune nuŋ an ni ziiɗa ɗangay miŋ kono ni naakiwsa Rabila Majjaanawa k'Almasi, n'an di kaza tod'te derec. <sup>17</sup> Wo kane Ɗoŋ i kazita rabila k'Almasi ti elkiso ere an ti n' kima nuŋ k'ita geŋ, kane elkisadaŋ ki diine ye, an elkiyo dabaradó ere adda ɗangay gette on oo t'aagulu.

<sup>18</sup> Iŋkino toŋ i k'ise munda ye! T'urzi tuuku toŋ suma k'Almasi kane an kizita, ise ti elkiso ere ɗerec ye, ise ti elkiso ere ɗerec toŋ maŋ, nuŋ ulbó'ŋ uŋse. Wo ulbó'ŋ aasa uŋse sey, <sup>19</sup> kono ni suune, t'urzi tondiyaguŋ a Raa wo ti noogiyo k'Unde k'Isa Almasi gette, sulɗi pay geŋ a-t'etta a urzi k'uttiyadó. <sup>20</sup> Iŋkino maŋ munda wede ni delliyo gottitoŋ wo ni zaapu elkisadó eego eŋ, sukiyagi munda soo toŋ i ki n' seeda ye. Ki too maŋ ti aŋki wo ki daayum suma k'Almasi gette n'a ti kize ti tuddó pay daa k'orgiso, ise nuŋ n'a lekke, ise n'a t'inda toŋ maŋ. <sup>21</sup> Derec ki nuuno maŋ, Almasi miŋ yoŋ lekkiyadó, wo n'inda maŋ, geŋ munda wede beehiye a jiiere. <sup>22</sup> Wo aame a duniya eŋ ni lekkiyo sey maŋ, o-t'ele urzi n'aase naabo ere beehiye, iŋkino maŋ oo giige, tuuku ni beere te. <sup>23</sup> A diine k'elkiso ere sire si-sittú ette, nuŋ oo t'ize ooŋe: ni dehu lekkiyo duniya ette ni-t'ooli, n'ette n'a lekkey aame k'Almasi, geŋ beehiye a jiiere a nuŋ me. <sup>24</sup> Wo ɗe kono kune geŋ, koɗuwo ɓaadaŋ a jiiere sey n'a lekke a duniya me. <sup>25</sup> Kono sulɗi eŋ, nuŋ ni suune adda k'addó ni lekka me, wo ni lekka

ti kune pay kono n'un di'n nooga, kun di t'ihira wo kun di lekka t'un̄suwo a urzi zaapu k'addugun̄ a Isa. <sup>26</sup> In̄kino mañ aame ni gima ki tuddugun̄ sey mañ, t'urzi nuñ geñ ulbugun̄ aasey un̄se a ceere sey a urzi lekkiyo ere kettiyo kañ soo t'Isa Almasi te.

*Pool y'an eliyo kooke a zem̄ba*

<sup>27</sup> Mun̄ḍa wede beehiye ni dehu'ñ, kune kun di lekke a lekkiyo ere a-t'ette a urzi ki Rabila Majjaanawa k'Almasi. In̄kino mañ aame n'iida n'un ti'n wollo, ni k'iida ye toñ mañ, n'a olliga kun lekkiyo kettiyo kañ soo zakid̄i, wo kun ḍeyyiso pay kañ soo t'adde soo a urzi zaapu k'adde a Isa ere itatú Rabila Majjaanawa. <sup>28</sup> Kun an orgid̄a ye tak a kane ḍoñ k'olmid̄agun̄ geñ me. Kun likka in̄kino mañ, a kane an t'isa aa mun̄ḍa wede y'an kaza kane a urzi wede ki daggiya, wo kune a urzi wede k'uttiyo. Wo geñ iido ti Raa, <sup>29</sup> kono yoñ y'un ize beeko kun di naabe k'Almasi, kun di naabe kun ki zaape addugun̄ a yode ḍaññal ye, wo soñ kun di dabire kono yoñ me. <sup>30</sup> An̄ken̄ño kun ḍeyyiso ḍeyyiso ere aa kun di'n wulle n'a ḍiyye ti kaaga, wo an̄ki ni ḍeyyiso sey aa kun zuune.

## 2

*Almasi yoñ toogo wo yi ki koliyo tuddí ye*

<sup>1</sup> Aa kune kun suune, lekkiyagun̄ ere kun lekkiyo kettiyo kañ soo t'Almasi gette, tod' t'un d'eliyo toogo. Kun suune geyyiso k'Almasi gette, tod' t'un d'eliyo kooke. Kun suune kun sooru kañ soo t'Unde Kamilen̄. Wo kun suune un d'ede sommagi wo kun isiyo beehiyo ti tuddugun̄ geñ me. <sup>2</sup> In̄kino kun lekko lekkiyagun̄ ere kañ soo, kun geyyo tuddugun̄ t'adde soo, bizigun̄ soo wo elkisagun̄ toñ i-t'ette kañ soo. Geñ in̄kino addó kun oo ti'n ôona t'un̄suwo. <sup>3</sup> Kun ise ye mun̄ḍa wede a urzi k'elkiso ere wede a ti y' kime

k'ita, ise t'urzi k'elkiso ere oldo kun di kili tuddugun me. Ki too man daa koliyo tudde kun'ni wollo eebugun aa kane deero t'eggun. <sup>4</sup> Wenda soo ton yi dehe munda wede k'aggadi danjal ye, wo de ti diinagun wede tuuku ton y'a elko a don ongo pay. <sup>5</sup> Ti diinagun kun lekko lekkiyo ere aakede don i lekkiyo kettiyo kan soo t'Isa Almasi:

<sup>6</sup> Yode wede t'ume k'eesiyo aa Raa batum, wo ton t'urzi wede i-d'ede gen, a umayi gen y'a ki dihe ti toogo an ki d'ette ti Raa kan soo ye.

<sup>7</sup> Ki too man yode batum ume wede suma gen yi-d'iili, y'a t'ize wede naabo.

Y'a t'ize wede tudde a diine duwo, kane an di y' wulle min yon wedusu.

<sup>8</sup> Yon y'a iyye y'a t'ize nenku, y'a illiga ono Raa bini y'a iyye unto, untadi ere sukiyagi ekk'undumu wede zaapu t'ekki bakadi kan ton-tilko.

<sup>9</sup> Kono kamo Raa yi-ti y' gili, yi-d'ele ume wede majjaane a jire pay t'awwa a kandaane, wo yi-d'ele suma ere a jire sumbiyagi pay,

<sup>10</sup> kono don pay i lekkiyo a kandaane, don i lekkiyo a siido, wo don ti dandi siido, kane pay an di dikkey a suma ere ki yode Isa.

<sup>11</sup> Wo gen don pay an di rootey kere: «Isa Almasi yon Galmeega!»

Wo t'urzi gen duwo an di t'imme suma Meega Raa\*.

*Kun tooro aa binje adda duniya*

<sup>12</sup> Zamba ki nun kune don ki geyyiso, kune daayum ono Raa kun illiga. Inkinon kono Raa y'un utte gen, anken i dehu kune ton kun di naabe a-t'ette a urzi k'uttiyo gettiyo,

---

\* 2:11 2:11 Adda mattup ki Pilip 2.6-11 en, i-kaza ooro ki don i ziipe addan a Isa ti poone an d'oro.

wo kun naabo ti orgiso wo ti ottilso. Kun ise injkino aame nun a diinagun ñañjal ye, ankenno nun umbo enno ton man kun iso sey a ceere, <sup>13</sup> kono yode Raa batum i naabiya adda k'addugun me, y'un di'n isiyo ñon aane i dehu wo i t'isiyo munda wede a-t'ette aa Raa addi i dehu.

<sup>14</sup> Naabo pay ere kune kun ise gette, kun iso daa gurgirso daa niiku, <sup>15</sup> kono ñuwo an k'ambe sundugun k'ulsuko ye, kune kamilen, inni Raa daa k'oldiko munda, adda diine ñon duniya kane ñon i t'udde t'urzi wede ñerec, ñon isiyo ulsu mirsi geñ me. Kune a diinayan kun di toore aa moldali ñon a kandaane, <sup>16</sup> geñ kun an kazita Rabila Majjaanawa i d'eliyo lekkiyo. Injkinon man nun ulbo'ñ aasa unse kono kune a onniyo ere k'aaniya k'Almasi gette, kono a naabadó ere n'ize wo n'a iidiba yeebadó gette, i ki t'ize ki bita ye.

<sup>17</sup> Urzi zaapu k'addugun a Isa geñ, aakede sefeke ere kun ele a Raa. Wo aame anki en puuzadó t'ifa ton man, a-t'etta aa munda wede an yergu a sefeke gettiyo. Aame iza injkino man, geñ nun ulbo'ñ unse, wo kune pay ton ulbugun aasa unse ti nuuno me. <sup>18</sup> Geñ kune ton ulbugun un iso unse, wo nun n'aase unsuwo ti kune kay.

*Pool y'agisa Timote kane ti Epapirodit*

<sup>19</sup> T'urzi Galmeega Isa, n'elkiyo san n'un di-t'igiba Timote, kono nun batum aame n'uuna rabilagun ti bey yode man, o-t'ela toogo. <sup>20</sup> Wenda ti doolo umbo daa yode Timote ulbi i di t'oodde a nuuno me, wo ki kotto ulbi i di t'oodde a kune me. <sup>21</sup> Kane ñon pay ongo geñ wede tuuku ton ulbi i ooddiyo a naabadí ere k'aggadi k'aggadi, wo wede a elke a naabo ere k'Isa Almasi umbo. <sup>22</sup> Wo kune kun suune yode Timote en tuddi yi ti gize kun wulle yi ziidfa zakidi a naabadí te, y'a niibe ti nun a urzi kazita Rabila Majjaanawa aakede ulo a sirpa meegi. <sup>23</sup> Injkinon'ñ n'elkiyo,

aame a lekkiyadó ette urzutú ni ti y' wulla kereṅ maṅ, Timote n'un ti t'igiba. <sup>24</sup> Wo adda k'addó ni suune, saṅ maṅ nuṅ batum n'etta n'un ti'n wollo, kono Galmeega y'o ruute.

<sup>25</sup> Wo ni t'ilke maṅ beehiye leemadiṅ Epapirodit† n'un ti y' t'igibe me, yode wede ay niibe wo ay d'iyye kaṅ soo, yoṅ kun y'igibo y'o d'iido ti noogiyo ere ni dihe ginno te. <sup>26</sup> Yoṅ mosogo kune pay yi dehu y'un ti'n wolle sey, wo yoṅ a eenizí aa kun d'illiga genno toṅ, ulbí i-d'oodiyo baadaṅ a kune me. <sup>27</sup> Derec, yoṅ y'aaze eeni baadaṅ taṅ lelle y'unto, wo Raa yi-d'ize adde koḍuwo, wo y'ize adde koḍuwo a yode ḍaṅṅal ye, a nuuno pây, kono n'a ki t'ise sommagi dondoṅ a ki ceere ye. <sup>28</sup> Injino n'a naare kesiko n'un ti y' t'igibe, kono aame kune kun yi wulley sey maṅ ulbuguṅ aasey uṅse, wo nuṅ toṅ addó a-t'udiga. <sup>29</sup> Injino maṅ yode eṅ kun yi soodfo bey sire ti uṅsuwo, aakede leema a urzi Galmeega. Duwo ḍoṅ aakede yode kino eṅ, kun an ottilo baadaṅ, <sup>30</sup> kono taṅ lelle y'unto miṅ a urzi naabo k'Almasi. Yoṅ y'a iyye y'a t'umbe puuzadí, kono y'o d'etto ti noogiyo ere kune batum kun k'iine kun ki d'iido ye gettiyo.

### 3

*Mummino k'a koone ki diine a* ḍaana Raa me

<sup>1</sup> Ankeṅ zemba ki nuṅ, ulbuguṅ un iso uṅse kono kune kettiyo kaṅ soo ti Galmeega. Ono ḍoṅ n'un riine ti poone geṅ, a nuṅ oo k'oone ye n'un ti'n ḍoole me, wo injino geṅ a kune toogo a urzi zaapu k'adduguṅ a Isa me. <sup>2</sup> Kun koona mentikagi ti ḍoṅ ulpi, kane aa gahiti kono naabo ere an isiyo gette oldo, an dooyiso ḍuwo an di walḍa ponde ḍoo, para maṅ kane ḍoṅ Raa ye. <sup>3</sup> Ki too maṅ ḍoṅ walḍu toc

---

† 2:25 2:25 Epapirodit: Yoṅ wede ḍoṅ ogiyo ti suma k'Isa a geeger ki Pilip geṅ an igibe k'ume Pool.

miŋ kine, kono in naabiya a Raa t'urzi k'Undí, kine ulbiŋ in isiyo uŋse a Isa Almasi, wo in ki ziipe addiŋ a urzi tuddiŋ ye.

<sup>4</sup> Ki too maŋ nuŋ toŋ n'aane n'a zaape addó a urzi tuddiŋ geŋ me. Wo nuŋ ni-t'ooone urzi a ceere n'aase, ise dfoŋ tuuku ti doolo toŋ maŋ. <sup>5</sup> Injino t'ume an ti n'ehe ñide onniyo gessire maŋ, an oo di wilɗa ponde, nuŋ itadó dfoŋ k'Izirayel ti biza bumɓu Benzamen\*, nuŋ Eber maawó toŋ dfoŋ k'Eber pây. Wo a urzi k'oogoro Yawudiyagi geŋ ni ziiɗa zakidí, kono nuŋ ti diine dfoŋ sundaŋ Pariziyen. <sup>6</sup> A naabadó ere wehini n'ize a Raa geŋ, dfoŋ ogiyo ti suma k'Isa n'anni dibire ɓaadaŋ. A urzi lekkiyo ere ki diine oogoro ti rootiyo gette n'a ziiɗa zakidí, kono dɗuwo an ki zaapu ono a eedó ye.

<sup>7</sup> Wo urzi wede pay ti poone n'ilke munda wede beehiye n'a t'ooone geŋ, aŋkenno a nuŋ oo t'ize ki bita kono k'Almasi me. <sup>8</sup> Derec, sulɗi dfoŋ pay genno toŋ n'a zuune a t'ize ki bita, kono aŋkeŋ munda wede beehiye a jiire sey ni y'uune baa: N'a suune Isa Almasi yoŋ Galmeegó. Kono yode geŋ n'a iyye sulɗi pay geŋ a t'ize ki bita, kane pay n'an ize aa iizi, kono munda wede a di jiire pay a nuŋ, Almasi dafŋjal, <sup>9</sup> wo n'a lekke kettiyo kaŋ soo ti yode. A elkiyadó maŋ ni ki t'ise ki diine ye a dfaana Raa t'urzi sooruzó ere a-t'ette a oogoro gette. Ki too maŋ n'a t'ise ki diine a dfaana Raa t'urzi zaapu k'adde a Almasi. Geŋ d'erec, lekkiyo ere ki diine ette t'ettiyo ti Raa t'urzi zaapu k'adde a Almasi. <sup>10</sup> Geŋ munda wede addó i dehu, n'a suune Almasi adda k'addó, wo n'a suune toogadí ere a ti y' bilɗe. Ni dehu n'a di-kette kaŋ soo ti yode, n'a dabire aa yoŋ yi dibire bini unto toŋ maŋ, n'a oyya n'a deeya aa yode a urzi k'untadí me. <sup>11</sup> Injino maŋ ni zaapu elkisadó

\* 3:5 3.5 Biza bumɓu Benzamen: Yoŋ i-d'ede suma ti biza bumɓiyagi k'Izirayel pay.

aame n'inda toŋ, Raa yi ti n' balɗa kay ti diine ɗoŋ unto me.

*In okko ki* ɗaana a urzi k'Almasi me

<sup>12</sup> Nuŋ ni k'elkiyo ye okko dalala ni ti ɗiŋge baa me, ise a lekkiyadó ere aŋkenŋo ni t'ize wede ɗerec ki diine baa toŋ maŋ. Wo nuŋ a urzi ni peɗɗiŋso, n'okko n'a t'ambey agga te, kono k'inkino nuŋ batum miŋ Isa Almasi yi n'umbe. <sup>13</sup> Zembɓa ki nuŋ, nuŋ toŋ maŋ ni k'elkiyo ye agga ni t'uune baa me, wo munda wede soo nuŋ n'isiyo me: ni-k'elkiyo ye baa a munda wede n'ize i t'ingile me, ni peɗɗiŋso n'a t'ambey munda wede a ɗaanadó. <sup>14</sup> Raa y'inni waaku t'awwa ti kandaane, kine in d'ette sirpaɗi in seɗɗey aggadiŋ t'urzi k'Isa Almasi. Inkiŋo maŋ nuŋ n'okko dalala ki ɗaana, n'a t'ambey agga te.

<sup>15</sup> Kine ɗoŋ pay i-dirse a urzi zaapu k'adde a Isa eŋ, in aa elko a sulɗi geŋŋo wo in d'oziro eego. Wo a ume tuuku kun t'ilke elkiyo ere ti doolo maŋ, a ume geŋ Raa y'un di kiza urzizí, kun di suuna. <sup>16</sup> Aame ise muno toŋ maŋ, kine in'do daayum ki ɗaana ki urzi wede in daaniya bini aŋkenŋo.

<sup>17</sup> Zembɓa ki nuŋ, kune pay kun ambo zindó. Urzi wede kun di wolle wo kun di daane geŋ, ay un y'ele. Inkiŋo maŋ kun zaapo ersaguŋ a tukki kane ɗoŋ i sooru a urzi wede geŋŋo. <sup>18</sup> Nuŋ ti poone toŋ n'un ruutite, wo aŋkeŋ n'un di ɗoolo sey ti zumari edayó, i d'ede ɗoŋ ede baadaŋ kane geŋ a sooruzan gettiŋ i-kaza ɗoŋ k'adu ki Almasi wo a munda wede y'ize a urzi k'untadí ekk'undumu wede zaapu t'ekki bakadí kaŋ tontilko. <sup>19</sup> Kane geŋ raazan miŋ addaŋ†, inkiŋo maŋ urzizaŋ a-ti dagga adda k'ahu. An tamma tuddaŋ a sulɗi ɗoŋ ki sukiyagi, wo elkisadaŋ pay

† 3:19 3.19 Raazan miŋ addaŋ: I-kaza omɓito ere oŋgo oogoro Yawudiyagi ti rootiyo k'omɓo ulu, soŋ i-kaza sulɗi ɗoŋ tudde ti dehu toŋ maŋ.

tiŋ a sulɗi duniya. <sup>20</sup> Ki kine maŋ, duniya ette siɗɗadiŋ ye, siɗɗadiŋ a kandaane, ume wede kine in delliyo ettiyo ki Wede k'Uttiyadiŋ, Galmeegiŋ Isa Almasi. <sup>21</sup> Yode wede y'iido maŋ, tuddiŋ ere k'unto i-k'ede toogo ye ette, y'a ti kima tudde ere i deeyiso aa tuddí, tudde ere i-d'ede toogo. Y'isiyo iŋkino t'urzi toogo ere i-d'eliyo urzi sulɗi pay an d'ottilso a mozikadí gettiyo.

#### 4

##### *Pool y'an eliyo kooke a zemba*

<sup>1</sup> Zemba ki nuŋ kune ɗoŋ ki geyyiso, nuŋ mosogo addó i dehu n'un ti'n wolle sey. Kune ɗoŋ addó kun oo ti'n assiya, kune a nuŋ aa kaɗumul ere ki wede y'a jiiire a eedó. Iŋkino maŋ zemba ki nuŋ kune ɗoŋ ki geyyiso, kun sooɗo daayum zakidí a lekkiyo ere kettiyo kaŋ soo ti Galmeega gette.

<sup>2</sup> Nuŋ n'eliyo kooke a Ebodi kane ti Sentis geŋ, kono onamaŋ i-t'ette kaŋ soo a lekkiyadaŋ ere kettiyo kaŋ soo ti Galmeega te. <sup>3</sup> Wo kee pây wede i seeɗu zakidí naabadiŋ kaŋ soo ti nuŋ, ni ki tonɗiyo erayi sire eŋ k'anni noogo kono an di-t'okkiye. Kane ti nuŋ ay ɗiyye kaŋ soo a urzi ki kazita Rabila Majjaanawa, soŋ Kilema wo ti ɗoŋ oŋgo pay naabadey kaŋ soo. Kane pay geŋ sumɓiyagaŋ raaniya adda mattup ere ki lekkiyo\*.

<sup>4</sup> Kun lekko daayum t'unɗuwo kettiyo kaŋ soo ti Galmeega. N'a di ɗoole sey, kun lekko t'unɗuwo. <sup>5</sup> Aa kun suune Galmeega saŋ goppon y'ettiyo, iŋkino kun t'iso ɗoŋ tasse a ɗaana ɗuwo pay. <sup>6</sup> Kune ulbuguŋ un t'ooɗe a munda ye, wo ɗe a sulɗi ɗoŋ pay kune kun dehu geŋ, daayum kun i-ti zaapo a Raa t'urzi tonɗiyo yode, ti obe

---

\* 4:3 4.3 Mattup ere ki lekkiyo: I-kaza mattup ere sumɓiyagi ki ɗoŋ pay uune lekkiyo ere aware'ŋ, raaniya adda.

bey wo ti rootiyo koɗuwo a Raa. <sup>7</sup> Injino maŋ toose ere ki Raa gette, tod'te t'a jiire suuniyo pay, tode gette t'a booha biza k'ulbuguŋ wo elkisaguŋ a urzi lekkiyo ere kettiyo kaŋ soo t'Isa Almasi.

<sup>8</sup> Ki ɗaŋgiya zemba ki nuŋ, ni dehu n'un di roote'ŋ, kun zaapo elkisaguŋ a sulɗi ɗoŋ pay beehiye, ɗuwo an di'n t'imme, ɗoŋ pay ɗerec wo ɗuwo an d'ottile, ɗoŋ pay ki diine wo kamilen, ɗoŋ i t'iide kun di'n geyye, wo a t'ele suma. <sup>9</sup> Munda wede nuŋ n'unni duuye wo kun uune, munda wede kun illiga ni rootiyo wo kun wulle n'isiyo geŋ, kane pay geŋ kun oziro eego. Injino maŋ Raa wede eliyo toose geŋ y'a koono ti kune.

*Pool yi tamma* ɗoŋ k'Almasi ki Pilip a eliyo beezan

<sup>10</sup> A lekkiyadó ere ni lekkiyo kettiyo kaŋ soo ti Galmeega ette, nuŋ ulbó aaze uŋse baadaŋ, kono a munda wede aŋkerŋ kun gitte toonuguŋ sey geŋ, kun o d'ele a nuuno. Ki kotto a munda geŋ kune kun ilke baa, wo kun k'uune urzi k'isiyo ye ɗaŋŋal. <sup>11</sup> Nuŋ ni rootiyo injino a munda wede o biite ko? Aha! Ni rootiyo injino kono ni-diile ulbó o isiyo uŋse a munda wede ki beezó. <sup>12</sup> Nuŋ urzi lekkiyadó ni suune, ise nuŋ oo k'ede ye, ise nuŋ adda darna toŋ maŋ. A ume tuuku wo aame ize munda toŋ maŋ, nuŋ oo ti diile ise addó boo, ise addó mosogo, ise nuŋ adda darna, ise nuŋ oo biite toŋ maŋ. <sup>13</sup> A sulɗi pay geŋ, n'aane n'a lekke t'urzi toogo ere k'Almasi y'o eliyo te. <sup>14</sup> Wo toŋ geŋ, kune kun ize beehiye kun d'ele aggaguŋ a di n' nuuge a dabaradó.

<sup>15</sup> Zemba ɗoŋ ki geeger Pilip, kune batum kun suune t'ume k'eesiyo kazita Rabila Majjaanawa aame ni t'iiziga ti siidfo Maseduwan geŋ, ɗoŋ ogiyso ti suma k'Isa ti doolo umbo kine in nuuge ti tuddiŋ. Kune ɗaŋŋal a ni nuuge me. <sup>16</sup> Wo soŋ kun suune aame nuŋ a geeger Tessaloni toŋ, kun ni nuuge taŋ sire taŋ aɗo a munda wede oo biite me.

<sup>17</sup> Nuŋ ni rootiyo iŋkino kono ni dehu kun o t'ele munda ko? Aha! Ni rootiyo iŋkino kono ni dehu a naabo ere kun isiyo a urzi zaapu k'addugun a Isa gette, a-t'oŋi eego a aagila. <sup>18</sup> Iŋkino maŋ n'un di rooto, sulŋi ŋon pay kun o igibo geŋ ni'n uune, nuŋ adda darna. Aŋkeŋ Epapirodit y'o d'iido sulŋugun me, geŋ ŋaadaŋ o iide baa. Kane pay eŋ aa munda wede in eliyo a Raa eefiyadi uŋse, seŋeke ere Raa yi giyye wo ulbi i-d'isiyo uŋse. <sup>19</sup> T'urzi lekkiyo kettiyo kaŋ soo t'Isa Almasi geŋ, Raa wede ni daaniya y'aana y'un di'n ŋona ti sulŋi ŋon pay un biite, ti laalayí wede ŋaadaŋ a jiiire pay geŋ me. <sup>20</sup> Iŋkino'ŋ tamma t'a koone a Meegiŋ Raa ki daayum! Eyye.

*Toose ki dangu*

<sup>21</sup> Kun an t'isoy toose a kane ŋon pay ki Raa i lekkiyo kettiyo kaŋ soo t'Isa Almasi. Zemba ŋon ti nuŋ ton an un t'ize toose pây. <sup>22</sup> Kane ŋon pay ki Raa a enno eŋ an un t'ize toose, wo toc miŋ zemba ŋon i naabiya di mozigo goole ki Romer an un t'ize toose pây.

<sup>23</sup> Geŋ beeko ki Galmeege Isa Almasi ti koono ti kune pay.

## Mattup ki Taasuwa ere Aware

Mukulu: Mattup ki Taasuwa ere Aware (New Testament)

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

---

PDF generated using Haiola and XeLaTeX on 14 Jun 2022 from source files dated 13 Jun 2022

523c1c0a-f8ac-5d2f-aebe-7063b0de6b23